

34/25
431/25

5077-

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA

Služba za socijalnu zaštitu, stambene poslove i društvene djelatnosti
Trg BiH 6 - 72 000 Zenica

Broj: 07-36-9805/25
Zenica: 28.04.2025. godine

12
10

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JU „Bosansko narodno pozorište“ Zenica za 2024. godinu; dostavlja se;

JU „Bosansko narodno pozorište“ osnovano je 1950. godine, kao peto narodno pozorište u BiH, nakon Sarajeva, Banja Luke, Tuzle i Mostara. Prvu premijeru 25. februara, izvelo je kao Oblasno narodno pozorište. Kroz svoje umjetničko djelovanje postalo je sjedište ne samo teatarskog nego i ukupnog umjetničkog i kulturnog života ovog dijela Bosne i Hercegovine.

BNP Zenica svoju djelatnost obavlja u zgradi koja je zvanično otvorena 7. maja 1978. godine. Zgrada ima 11.500 m² korisnog prostora. Najveći dio zauzimaju scenski prostor sa pripadajućim prostorijama (sale, tonske i rasvjetne kabine, magacini i sl.).

JU „Bosansko narodno pozorište“ djeluje u kompleksnim uslovima specifičnog teatarskog miljea kao jedino profesionalno javno pozorište, ne samo u gradu Zenici i Zeničko-dobojskom kantonu, nego i na širem prostoru centralne Bosne i Hercegovine.

Posebnu pažnju pozorište posvećuje mladoj publici, producirajući predstave i programe za djecu i mlade.

Bosansko narodno pozorište Zenica u okviru svojih produkcijskih mogućnosti i kapaciteta tokom jedne pozorišne sezone premijerno izvodi od 5 do 8 predstava namijenjenih publici različitih uzrasta.

Kompleksne programsko-repertoarske odrednice „Bosansko narodno pozorište“ realizira u okviru svojih šest produkcijskih segmenata:

1. *Velika scena*
2. *Mala scena "Žarko Mijatović"*
3. *Bočna scena*
4. *Scena „Potkrovlje“*
5. *Kabaretska scena i*
6. *Podrumska scena*

Od osnivanja do danas Bosansko narodno pozorište je odigralo više od 770 premijera i izvelo više od 12. 000 repriznih predstava i programa.

U 2024. godini na tekućem reprertoaru imalo je 23 tzv. *žive* predstave, koje su premijerno i reprizno izvedene 151 puta (u prosjeku 15 predstava mjesečno tokom umjetničke sezone).

U toku 2024. godine JU „Bosansko narodno pozorište Zenica“ je svoje usluge, u skladu sa svojim mogućnostima, pružalo i drugim nepozorišnim manifestacijama u oblasti umjetničke i kulturne difuzije, te industrije zabave i edukacije.

Gostujući programi su se i ove godine održavali na scenama i u ostalim prostorima pozorišta (Velika scena, Mala scena, Gornji i Donji foaje, Mala galerija, Konferencijska sala, Kabare klub, itd.).

U 2024. godini održani su neki od sljedećih programa:

- Koncerti Kamernog simfonijskog orkestra i mješovitog hora Zenica,
- Koncerti Omladinskog hora Zenica,
- Koncert Gradskog hora "Kasiopeja",
- Programi 27. MKM "Zeničko proljeće 2024.",
- Koncerti Osnovne i Srednje muzičke škole Zenica,
- Svečane akademije u povodu Dana državnosti i Dana nezavisnosti BiH,
- Edukativne radionice,
- Projekcije filma,
- Izložbe,
- Programi dječjih vrtića
- Obilježavanja godišnjica ustanova i organizacija iz grada Zenice i ZDK,
- Izbor sportiste godine grada Zenica i ZDK.(„Naša riječ“)
- Tribine
- Političke promocije

Ustanova je tokom 2024. godine samostalno realizirala ili počela raditi na 9 premijernih pozorišnih predstava.

U toku 2024. godine organizovana je manifestacija Dani BNP-a, a povodom obilježavanja 74. rođendana pozorišta. Program ove manifestacije obuhvatio je izvedbe predstava domaće, ali i gostujuće produkcije, uz promociju knjige „**Tri drame**“ čiji je izdavač BNP Zenica, sa održanim i scenskim čitanjem dramskih tekstova u saradnji sa Goethe-Institutom BiH i Akademijom scenskih umjetnosti u Sarajevu. Takođe, kao dio programa održan je i koncert ansambla „Čelisimo“.

U okviru međunarodnog projekta ***Seksualni teatar – feminističko čitanje klasika***, podržanog od strane EU i Kreativne Evrope, a čiji je nositelj JU „BNP“ Zenica sa partnerima iz Francuske, Portugala i Crne Gore, u prostorima BNP-a Zenica, realizirana je petodnevna radionica sa učešćem gostiju iz partnerskih institucija.

U „Bosanskom narodnom pozorištu“ Zenica je pored redovnog repertoara održan i veći dio programa Zeničko proljeće 2024. godine .

Na XXIII festivalu bh. drame u Zenici sa predstavom ***Kiselina*** A. Krsmanović osvojeno je sedam nagrada, dodijeljenih od strane stručnog žirija, žirija medija i žirija publike, što je potvrdilo dobar repertoarski i producerski odabir kuće za tekuću pozorišnu sezonu.

Ustanova je gostovala na tri pozorišna takmičarska festivala gdje su sa tri različite predstave osvojene nagrade. Ukupno je osvojeno 10 (deset) nagrada u različitim kategorijama.

U JU „Bosansko narodno pozorište“ Zenica uspješno je okončana 74. umjetnička (pozorišna i koncertna) sezona 2023/2024., a nova jubilara 75. sezona 2024/2025., započela je uz 8 (osam) nagrada samo u mjesecu septembru. U periodu od oktobra do kraja decembra 2024. godine realizirano je 37 izvedbi predstava.

U gore navedenom periodu ostvareno je pet učešća na festivalima, i to: 64. internacionalni teatarski festival MESS, Andrićevim danima u Travniku, Gavellinim večerima u Zagrebu, Tuzlanskim pozorišnim danima, XXI Danima Zaima Muzaferije u Visokom.

Tokom mjeseca decembra 2024. godine ostvarena je saradnja i koprodukcijski projekat sa Narodnim pozorištem Tuzla, Narodnim pozorištem Mostar, Bosanskim-kulturnim centrom Kalesija, Pozorištem mladih Tuzla i Studio Teatar Zenica a u povodu obilježavanja 250 godina od prvog štampanja djela **HASANAGINICA**.

U toku 2024. godine ostavarena su i međunarodna gostovanja na Kazalištu Virovitica, Hrvatska, Centru za kulturu „Vojislav Bulatović Strunjo“ Bijelo Polje, Crna Gora, Centaru za kulturu Požarevac, Srbija, Pozorištu Akzent Beč, Austrija. Ustanova je održala 288 programskih sadržaja od toga 59 dječijih predstava.

Tokom izvještajnog perioda, aplicirano je na 11 različitih poziva za finansiranje kod domaćih i međunarodnih institucija, ukupne vrijednosti od 319.174,90 KM. Od ukupno traženih sredstava, odobreno je 67.750,00 KM.

Radovi na rekonstrukciji krovnih ploha najveći su građevinski zahvat na zgradi Bosanskog narodnog pozorišta Zenica od njenog otvaranja 1978. godine, a projekat su finansirali Grad Zenica, koji je izdvojio 1.000.000 KM, Vlada Zeničko-dobojskog kantona (ZDK) sa 450.000 KM i Federalno ministarstvo prostornog uređenja, koje je opredijelilo 50.000 KM.

Rješenjem Grada Zenica broj: 02-45-13043/22 od 16. 06. 2022. godine, imenovan je Upravni odbor JU BNP Zenica u novom sazivu od 2022. do 2026. godine . U toku 2024. godine je održao ukupno 11 (jedanaest) radnih sjednica.

Upravni odbor je razmatrajući Izvještaj o radu, direktora ocijenio pozitivno, s naznakom da je iskazao zalaganje pri unapređenju i obogaćivanju programskih i poslovnih aktivnosti, te rezultata rada tokom izvještajnog perioda.

U radnom odnosu određenog ili neodređenog trajanja u 2024. godini bilo je ukupno **68** zaposlenika, od toga 6 NK zaposlenika, 6 KV zaposlenika, 21 zaposlenik sa SSS, 33 zaposlenika sa VSS stručnom spremom. Posredstvom Federalnog zavoda za zapošljavanje angažirane dvije osobe.

Kada se tiče finansijskog poslovanja JU „Bosansko narodno pozorište Zenica“ je u izvještajnom periodu ostvarila višak prihoda nad rashodima u iznosu od **31.594,53 KM**.

JU „Bosansko narodno pozorište“ Zenica ostvarila je dobru saradnju sa Službom za socijalnu zaštitu, stambene poslove i društvene djelatnosti u toku 2024. godine.

Cijeneći sve navedeno, a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Bosansko narodno pozorište Zenica“ za 2024. godinu na razmatranje.

PRILOG:

1. Izvještaj o radu JU " BNP Zenica " za 2024.godinu;
2. Zaključak o usvajanju godišnjeg Izvještaja o radu JU Bosansko narodno pozorište Zenica za 2024.godinu
3. Račun prihoda i rashoda sa bilansom uspjeha JU Bosansko narodno pozorište Zenica za 2024. godinu;
4. Zaključak o ocjeni rada direktora JU BNP Zenica;

DOSTAVLJENO:

- 1 x Naslov
- 1 x a/a



POMOĆNIK GRADONAČELNIKA


Sumea Mujkanović